

# LA PUNT



## raspada da Zernez

cun las fracziuns Brail, Lavin, Susch e Zernez

**Pel temp fin la fin d'avrigl 2025**

### In tschercha d'ün bun lö – in tschercha da Gesu e dal bun Spiert

*Impissamaints fats d'ürant il temp d'inviern fraid e s-chür*

In nossa regiun vegnan blers per as recrear. In nossa cuntrada chattan giasts lur pos per serrar giò e gnir sün oters impissamaints. I dà bler lös chi vegnan nomnats «lös da forza» perche chi'd es simplamaing bel ed i's po tancar pasch e nouv schlantsch da vita. Nossa regiun dal Parc Naziunal attira blera glied chi voul as recrear illa bellezza da la natüra. I va dimena per la bellezza - ma i nu va be per la «bellezza», i sto esser daplü. Uschè daja a Susch üna clinica, visavi al grip sur l'En chi para resplenda forza, e la glied cun malatias chaschunadas dal stress dëssan pudair guarir in quist lö. Lös



da forza sajan dal rest eir nossas baselgias. Scha quai ha da far cul lö «magic» ingio cha las baselgias sun fabrichadas obain cha la magia deriva dal fat cha in quels lös vegna daspö tschientiners fat urazchun, as po specular. In mincha cas attiran eir las baselgias da tuot nossas fracziuns a blera glied ed i vegnan scrits cudeschs sur da la gronda

valur architectonica, ma eir da nossas baselgias sco lös da forza, pustüt schi as va aint in quellas in ün mumaint da pasch e quietezza. Ils umans sun dimena in tschercha da lös da la glüm, da la bellezza, da forza e da bunas energias o pasch.

Ün dals psalms chi as cunfan propcha bain cun nossa cuntrada - cun la forza ed ils sentimaints chi vegnan cun passantar temp illa cuntrada, es il psalm 121 chi disch:

***Eu oz mes ögls vers ils munts, dingionder am vain agüd?  
Agüd am vain dal Segner chi ha creà il tschel e la terra.***

Il psalm metta la cuntrada in connex cun la creaziun e la forza dal creader chi stà davo ils lös da bellezza, da forza e d'energia in la cuntrada. Ed apunta i dà eir oters lös cun bunas energias, dimena lös da forza sco per exaimpel nossas baselgias - lö da quietezza e da pasch.

Ün chi d'eira in üna situaziun per perder il curaschi e dar sü, bler plü ferm sco mincha situaziun cha nus pudain rivar, d'eira il ravarenda Dietrich Bonhoeffer, chi d'eira

cundannà a mort dal reschim dals Nazis in Germania e chi spettaiva cha la cundanna vegna exeguida. El ha scrit in quella situaziun il cuntschaint vers:

***Von guten Mächten treu und still umgeben  
behütet und getröstet wunderbar  
so will ich diese Tage mit euch leben  
und mit euch gehen in ein neues Jahr.  
Noch will das Alte unsre Herzen quälen  
noch drückt uns böser Tage schwere Last.  
Ach Herr, gib unsern aufgeschreckten Seelen  
das Heil, für das du uns bereitet hast.  
Von guten Mächten wunderbar geborgen  
erwarten wir getrost, was kommen mag.  
Gott ist bei uns am Abend und am Morgen  
und ganz gewiss an jedem neuen Tag.***

Pro el nu d'eira üna bella cuntrada o ün lö da forza chi til daiva la pasch e l'energia per viver in sia situaziun. El d'eira in praschun - ün lö pac agreabel sainza energia o spranza. El vaiva però tscherchè e chattà quai cha in quels «bels e buns lös» as es forse plü daspera, nempe il bun spiert, o cun oters pleds il «Spiert Sonch». Quel bun spiert nu's chatta displaschavelmaing adüna là ingio chi vain impromiss o chi as spettess, ma cun tscherchar a Gesu nos Spendrader e cun lair esser daspera a Dieu il bap e creader, pudain chattar eir il bun spiert. Eir in situaziuns pac agreablas ingio chi as pudess perder il curaschi e dar sü, po quel cuffortar e dar la forza, l'energia e la pasch per ir inavant ed avair fiduzcha per tuot quai chi ha amo da gnir. Hermann Thom


### **Di d'urazchun mundial – quist on ispirà da duonnas da las Islas da Cook**

Las Islas da Cook sun 15 islas chi sun propcha da l'otra vart da la cula dal muond in Polinesia. Però eir là es sco pro nus il turissem ün factur economic fich important. Ils s-chazis da la natüra pro las duonnas da las Islas da Cook chi han ispirà a las duonnas dal muond per preparar il cul divin dal di d'urazchun, sun rivs da corallas, atols e lagunas sper muntognas fuormadas da vulcans. La vegetaziun süllas islas es fich multifaria cun üna immensa variaziun da culurs. Sumgliaintamaing variada es eir la cultura in quista cuntrada paradisica.

l' center da la liturgia sta perquai il vers 14 dal psalm 139:

***«Eu t'ingrazch ch'eu sun creada tant bain.  
Müravgliusas sun tuot tias ouvras.»***

La grupp da duonnas da nossa raspada prepara il cult divin libramaing tenor las ispiraziuns da las duonnas da las Islas da Cook chi han scrit sü impissamaints e tramiss a las duonnas da tuot il muond.



**Corporaziun evangelica Zernez**  
**Fracziuns Brail, Lavin, Susch e Zernez**  
**Cults divins fin la fin d'avrigl 2025**



**baselgia**  
**refuormada**  
**Zernez**

Data	Brail	Zernez	Susch	Lavin	divers
<b>favrer 2025</b>					
16 – 02			09:45 r M. Schleich	11:00 r M. Schleich	
23 – 02		18.30 r/d Duonnas			Di d' urazchun in baselgia catolica
<b>marz 2025</b>					
02 – 03				11:00 r S. Guler	Predgia da Chalandamarz
09 – 03			11:00 r M. Schleich		
16 – 03		11:00 d A. Schaub		09:45 d A. Schaub	
23 – 03		09:45 r F. Häfner	11:00 r F. Häfner		
30 – 03		11:00 r/d ecumenic			Di da schoppa in bas. San Bastian
<b>avrigl 2025</b>					
06 – 04			11:00 r M. Schleich	09:45 r M. Schleich	
13 – 04		10:30 r/d A. Jungen			Confirmaziun
18 – 04			09:45 r lectüra e musica	11:00 r lectüra e musica	Venderdi Sonch
20 – 04	13:30 r J. Janett	11:00 r J. Janett	11:00 r P. Wydler	09:45 r P. Wydler	Pasqua
27 – 04	Ingüna predgia				
r: liturgia e predgia in rumantsch; r/d: liturgia in rumantsch, Predigt deutsch d: Liturgie und Predigt deutsch					

**Contacts cun la raspada d'urant quist temp:**

**Presidi:**

Hermann Thom                      079 413 02 03  
 obain                                      [hesti@bluewin.ch](mailto:hesti@bluewin.ch)

**Secretariat:**

Flurina Walter                              079 586 12 39  
 obain                                      [flurinawalter@hotmail.com](mailto:flurinawalter@hotmail.com)

Nossa homepage: <https://zernez-ref.ch>

## **Als 2 marz a las 11.00 - Predgia da Chalandamarz per tuot las fracziuns a Lavin**

Adüna la prüma dumengia da marz ha lö a Lavin la «Predgia da Chalandamarz» per tuot las fracziuns da nossa raspada. Per la fracziun da Lavin es la «Predgia da Chalandamarz» üna veglia tradiziun. Adüna la prüma dumengia da marz vain fat cun bronzinas ün seguond cortegi da Chalandamarz tras Lavin. Il cortegi riva vers las 10.30 sün Piazza Gronda. Là chantan ils uffants lur chanzuns da Chalandamarz. Davo va tuot la brajada in baselgia, ingio cha quist on es la predichanta laica da Sent, *Seraina Guler*, respunsabla per la predgia per grond e pitschen. Eir là chantan ils uffants lur chanzuns.



## **Di da schoppa ecumenic, als 30 da marz las 11.00 in baselgia San Bastian a Zernez**

Adüna dürant il temp da Quaraisma ha lö in nossa raspada il di da schoppa ecumenic. Il cult divin vain sco adüna imbelli da decoraziuns e da chanzuns cha'ls uffants da scoula han imprais cun nossa catecheta, duonn' *Anna Kirchen*. Davo il cult divin, s'inscuntran las raspadas in chasa da scoula per mangiar da cumpagnia la schoppa. La schoppa cha duonna *Anna Zala* prepara minch'on cun agüdantas e agüdants da las duos ultimas annadas da soula ed otras personas es cuntschainta ün toc sur ils cunfins da nossa raspada oura per sia buntà. Eir il bun ambiaint illa cumünanza chi dà pro quell'occorrenza es cuntschaint.



## **Confirmaziun – dumengia da las Palmas, als 13 avrigl, a Zernez**



*Nossas confirmandas e  
noss confirmands da  
dretta a schnestra:*

**Flurin Maier, Zernez;  
Robin Schorta, Zernez;  
Finn Denoth, Susch;  
Lea Schwarz, Zernez;  
Sergio Schöpf, Zernez;  
Elin Suter, Zernez;  
Luciano Mazzucchelli,  
Zernez;  
Gianna Eichholzer,  
Zernez;  
Livio Padrun, Lavin;  
Rafael Andri, Zernez;  
Flavia Tung, Zernez;  
Fabia Hew, Zernez;  
Maura Rauch, Zernez;  
ed Oriana Thom,  
Susch**

Sülla fotografia vezzain las confirmandas ed ils confirmands in occasiun da lur viadi da confirmaziun a Barcelona dürant la seguonda eivna da las vacanzas d'utuon da l'on passà. Il viadi han ellas ed els fat in cumpagnia ecumena insembel cun lur cumpognas e cumpogns da classa chi han gnü lur craisma la stà passada. Quels però nu sun sün quista fotografia.